



Nkene to lundulula ofani yokamoye



Okulundulula ofani yokanona

Shampa evalo lyokanona lya nyolithwa, okanona ohaka pewa ofani kutya nee oyahe nenge yayina, shi ikolelela koonkalohokololo. Ofani otayi holoka ponzapo yevalo yokanona.

Nonando, omathimbo gamwe okanona oke shiwiki nofani ndjoka ya yooloka kofani ka pewa pevalo. Oshiholelwa, okanona oka li ka nyolithwa kofani yahe ohaluka ohaka longitha ofani yayina pailonga.

Ngele okamoye ohaka longitha ofani ndjoka ya yooloka kofani ndjo ya gandjwa ponzapo yevalo, owu na okuninga eindilo kUministili wlikwagumbo nOmatembukilomo opo wu lundulule ofani yokamoye. Osha simana lelalela opo ofani ndjoka hayi longithwa kokanona oyo yi kale ya nyolwa monzapo yevalo opo yi gandje uuyelegele wuukwatya wako nokukeelela omangwangwano.

Onzapo yevalo oshike?

Onzapo yevalo oyo odokumende yopambelewa ndjoka tayi gandja uukwatya wokanona, esiku lyevalo, ehala mpoka ka valelwa, nedhina limwe lyomuvali nenge aavali ayehe. Uministili wlikwagumbo nOmatembukilomo otawu tala iyyetwapo uuna onzapo yevalo yokanona ya nyolithwa. (Tala pepandja 7 mokafo haka omolwuuyelegele kombinga yokunylitha evalo.)

Onzapo yevalo oya pumbiwa miinima oyindji monkalamwenyo, ngaashi okwiinyolitha mosikola, okumona omakwatho gopaundjolowele nomakwathelo gopankalonawa, nuuna to ningi eindilo lyokamutse nopasporta. Itashi vulika wu ninge iinima oyindji yomwaambika waa na onzapo yevalo, ihe otashi kala oshidhigu noonkondo molwashoka onzapo oyo omukalo omupu gokumona oomvula dholela.



Okambo haka, otake ku yelithile nkene wu na okulundulula ofani yokamoye monzapo yevalo.

Okambo haka komauyelegele oki ikolelela kOveta 81 yomumvo 1963 yomanyolitho gOmavalo, gOondjokana nogOmaso, pwa gwedhwa uuyelegele wa za kUministili wlikwagumbo nOmatembukilomo.

Uunake ofani yokanona yi na okulundululwa?

Ofani yokanona otayi vulu okulundululwa menyolitho lyevalo noponzapo yevalo yokanona ngele okanona okashona (ke li koho yomimvo 21) nokanona oke shiwiki nofani yilwe yaashi ofani ndjoka yi li ponzapo yevalo yokanona muyimwe po yomiinima tayi landula:

- ▶ Okanona ka valwa pondje yondjokana nokanyolithwa kofani yahe ashike oke shiwiki nofani yayina.
- ▶ Okanona oka valwa pondje yondjokana noke shiwiki nofani yayina nenge nofani yomusamane gwayina (he ngoka a hokana yina) na hakofani ndji ya nyolithwa monzapo yevalo.
- ▶ Okanona oka valwa meni lyondjokana noke shiwiki nofani yayina nenge nofani yomusamane gwayina (he ngoka a hokana yina) konima yeso lyahe yokanona nenge yehengathano lyaavali yokanona.
- ▶ Okanona oke shiwiki nofani yomutekuli gwako (oshiholelwa aavali ayehe oya sa).

Uuministili wlikwagumbo nOmatembukilomo otawu ka pitika wo omathimbo gamwe okulundululila onzapo yevalo kofani yilwe hoka okanona ke shiwiki nofani kaayi shi ndjoka yi li monzapo yevalo.

Osha pumbiwa wo opo okanona hoka ka valwa pondje yondjokana nokanyolithwa nofani yayina opo ka lundululile ofani yako kofani yahe, ngele he okwa gandja epitikilo kokanona.



Opu na oompumbwe dhimwe dhowina dhokulundulula ofani yokanona miinima yimwe ya tulwa momusholondondo pepandja lya piti. Ekalata li li pevi otali ulike shoka sha pumbiwa moshinima kehe.

Ofani ya pewa okanona monzapo yevalo	Ofani yokanona ya longithwa paigililo notaka ka gandjwa po	Oompumbwe
He (aavali ya hokana)	Yina nenge he ngoka a hokana yina	Ngele aavali yokanona oya hokana, he ngele okwa sa nenge aavali ya hengathana omanga okanona inaaka ninga eindilo opo ka kale nofani yayina nenge yahe ngoka a hokana yina. He ngoka a hokana yina oku na oku shi ninga pamushangwa opo okanona ka longithe ofani ye (ngele oku na omwenyo natango).
He (okanona ka valwa pondje yondjokana)	Yina nenge he ngoka a hokana yina	He ngoka a hokana yina oku na oku shi ninga pamushangwa opo okanona ka longithe ofani ye (ngele oku na omwenyo natango).
Yina (okanona ka valwa pondje yondjokana)	He	He yokanona ngoka a hokana yina oku na okuninga egano pamushangwa tali tseyitha kutya oye he. Yina oku na okuninga egano opo a kwashilipaleke elundululo lya pumbiwa.
Nando omuvali	Omutekuli	Omutekuli oku na okuninga egano pamushangwa opo ku longithwe ofani ye (ngele omutekuli oku na omwenyo natango).

Olye ta vulu okuninga eindilo lyokulundulula ofani yokanona?

Ngele okanona oke li kohi yomimvo 21, omuvali nenge omutekuli gwokanona oku na okuninga eindilo.

Olye omutekuli?

Molwelalakano lyokulundulula ofani yokanona, oshitya “omutekuli” otashi ti omuntu kehe ngoka e na oshinakugwanithwa shokusila oshimpwiyu okanona, kutya nee opampango (oshiholelwa, molwashoka aavali yokanona oya mana oondjenda nomuntu okwi ithanwa onga omutekuli kompangu nenge metestamendi) nenge pakwiigilila (oshiholelwa, yinakulu ha takamitha uutekulu mboka a kala nawo). Oshitya “omutekuli” oshi na eityo lya yooloka koompango dhilwe.

Ngele okanona oke na omimvo 21, oke na okuninga eindilo.

Opu na euvithonayi limwe mompango ndjika yakwalukehe:

Uuna okanona ka valwa pondje yondjokana noka nyolithwa kofani yayina noka hala okulundulukila kofani yahe, eindilo oli na okuningwa kokanona uuna ke li kohi yomimvo 21.

Inashi yela kutya omolwashike oveta yokulundulula kofani yayina okuya kofani yahe sha yooloka koveta yokulundulula kofani yahe okuya kuyayina. Shika inashi kwatelwa mo mEkolampango, ashike ompango oyi na okulandulwa natango sigo uuna ndoka ompango layi lundululwa paveta nenge kEgumbo lyoPashigwana.

Otandi yi kUuministeli wlikwagumbo nOmatembukilomo opo ndi ka lundulule ofani yaSamuel. Aavali ye ayehe oya mana oondjenda omanga ashike e na oomwedhi 6 nakehe gumwe oku mu shi ashike nofani yandje.



Oto vulu oku shi ninga? Hangweye omuvali gwe.

Ongame omutekuli gwe. Ompango otayi ti oku na okukutha ofani yomutekuli gwe ngele ndjoka oyo e shiwiki nayo pakukala.

Otandi ningi ngiini eindilo lyokulundulula ofani yokamwandje?

Owu na okuninga eindilo ngoye mwene kOmainyolitho gOmavalo poombelewa dhopepepi kUuministili wlikwagumbo nOmatembukilomo. Aanambelewa otaye ku kwathele nokuninga eindilo. Owu na okweetelela oodokumende tadhi landula:

- ▶ Onzapo yevalo yokamoye nenge okakalata keshasho
- ▶ Okamutse (ID), onzapo yevalo nenge opasporta yomuntu ngoka ofani ye tayi kuthwa kokanona. (Ngele omuntu nguka ke na okamutse (ID) nenge onzapo yevalo, Uunimistili otawu taamba onzapo yosikola, onzapo yeshasho nenge onzapo yehokano ndjoka tayi kwashilipaleke edhina lyomuntu nguka.)
- ▶ Omushangwa gwa za kuhe yokanona nenge komutekuli tagu gandja epitikilo kokanona opo ka longithe ofani ye (ngele ofani otayi gandjwa kuhe ngoka a hokana yina nenge komutekuli)
- ▶ Egano lyopamushangwa lya za kuhe tali kwashilipaleke okanona ongaashi ke mwene (ngele ofani ya gandjwa oondjoka yahe yokanona ka valwa pondje yondjokana)
- ▶ Egano lyopamushangwa nali ulike omatompelo gokulundulula ofani nomaukwatya gomuningi gweindilo (ehala mpoka a kala, oshiketha shopoosa, oemail nonomola yotelefona).

Elundululo lyonzapo yevalo otali ka ulika oofani adhihe, onkulu nompe.

Opu na ofuto yasha yokuninga eindilo lyokulundulula ofani yokanona?

Eeno. Ngaashi mo-2011, ofuto oyo N\$80, ngele eindilo olya ningwa komuvali nenge komutekuli gwokanona ke li koho yomimvo 21, na N\$220, ngele eindilo olya ningwa komuntu e na omimvo 21 nenge dhi vule po nenge e li ningi ye mwene.

Kape na nando ofuto yasha okulundulula ofani yokanona ka valwa pondje yondjokana okuza kofani yayina okuya kofani yahe.

**Opo wu mone oombelewa dhopepepi dhUuministili
wlikwagumbo nOmatembukilomo, ninga ekwatathano nUuministili
wlikwagumbo nOmatembukilomo ko: 061-2922111.**

Enyolitho lyevalo

Okanona oke na okunyolitha muule womumvo gwtango gwonkalamwenyo yokanona. Omuthika gwomulandu gweinyolitho ndika ohagu ithanwa “**Etseyitho lyevalo**”. Ohashi vulika wo ku ningwe einyolitho lyevalo lya tokelwa lyonkalamwenyo yokanona – momimvo kehe. Omulandu nguka ohagu ithanwa “**Etseyitho lyevalo lya tokelwa**”. (Onzapo yevalo otayi kala ya faathana.) Ekalata li li pevi olya ndjandjukununa oompumbwe dhomaukwatya agehe geinyolitho lyevalo.

ETSEYITHO LYEVALO

Uunake	Pevalo lyokanona, nenge ethimbo kehe sigo osho okanona ke na omumvo gumwe
Openi	Moshipangelo moka okanona ka valelwa, ngele ohaya gandja omayakulo ngaka, nenge poombelewa dhopopepi dhomoshitopolwa dhUministili wlikwagumbo nOmatembukilomo. Oompangu dhimwe dhoomangestrata nadho wo ohadhi nyolitha omavalo.

ETSEYITHO LYEVALO LYA TOKELWA

Uunake	Ethimbo kehe sho okanona ke na omumvo gumwe
Openi	Poombelewa dhopopepi dhUministili wlikwagumbo nOmatembukilomo. <i>Einyolitho lya tokelwa ihali vulu okuningwa poshipangelo kehe.</i>

SHOKA TO ETELELE KOMAINYOLITHO GOMALUDHI AGEHE

1. Okakalata kokamoye koshipangelo (onzapo yeshasho otayi taambwa keinyolitho lya tokelwa ngele okakalata koshipangelo oka kana)
2. Okamutse (ID) nonzapo yevalo nenge opasporta yomuvali gumwe nenge aavali ayehe
3. Ngele aavali yokanona oya hokana: onzapo yehokano nenge omushangwahokololo gwa za kumwene gwomukunda ngele aavali oya hokana kofi yompango yopamuthigululwakalo.

Ngele owa pumbwa uuyeleele owindji kombinga yeinyolitho lyevalo, mona okambo koLegal Assistance Centre nokatuuna yomafano pevi. Ookopi dha nyanyangidhwa otadhi adhika kombelewa yoLegal Assistance (Centre, 4 Korner Street, Windhoek), niinyolwa yopalusheno otayi adhika kowebsite yaLegal Assistance Centre (www.lac.org.na).



Nkene to nyolitha evalo lyokanona



Okunyolitha evalo lyokamoye osha simana noonkondo. Okambo haka otake ku lombwele:

- nkene shi li sha simana opo u nyolitha evalo lyokanona
- nkene to nyolitha evalo lyokanona
- ompango dhomikalo dha yookoka dhokunyolitha onzapo yevalo
- ompango dhokunyolitha evalo lyokanona ka valwa pondje yondjokana
- shoka to ningi ngele owa kanitha onzapo yevalo lyokamoye.

Okambo haka oki ikolelela komainyolitho goonzapo dhomavalo, dhoondjokana nodhomasa. Ohitokolitho 81 sho 1963, nomauyelele ga gwedhwa po ga gandjwa kuLuministili wlikwagumbo nOmatembukilomo.

Okanona kehe ka valelwa muNamibia oke na okumona onzapo yevalo, nonando aavali yako kaye shi Aanamibia.

NKENE WU NA OKUNYOLITHA EVALO LYOKAMOYE



Ongilini Grace, omahaisilago molwokahanona koye. Okawanawa neel

OKANONA KEHE OKE NA OKUKALA KE NA ONZAPU YEVALO

TALLELA PO LUMINISTILI WLIKWAGUMBO NOMATEMBUKILO OPO WU NYOLITHA OKAMOYE NENA.

Tangi. Edhina lyako oSara.

Owa nyolitha nala evalo lyako?

Aawe, kandi shi nkene ndi na oku chi enda.

Kachi chi oshidhigu. Otandi shi ku yetithile.

Molwuuyeleele wa gwedhwa po kombinga yokulundulula ofani yokamoye, ninga ekwatathano noombelewa dhopepepi dhUministili wlikwagumbo nOmatembukilomo.



Ehokololo: Christina Beminger, Dianne Hubbard naRachel Coomer
Omundongeki: Ndalipo Mupupa

Omafano: Nicky Marais

Omutholomo nEtulomelandulathano: Perri Caplan

Omunyanyangidhi: John Meinert Printing (Pty) Ltd

Omukwatheli: Dutch Ministry of Foreign Affairs, MDG3 Fund; Africa Groups of Sweden
Omuholokithimbo: Gender Research & Advocacy Project, Legal Assistance Centre, 2011

Uministili wlikwagumbo nOmatembukilomo owa kwathele mehumithokomeho lyakafa haka.

Okafo haka otaka vulu okuningwa ookopi omolwomalalakano ge na sha nelongo, shampa ashike onzo ya tseyithilwa.

Ontopolwa yokanyolwa haka yopalusheno otayi adhika ko website yo LAC:
www.lac.org.na